



Reykjavíkurborg
Velferðarsvið

Alþingi
Erindi nr. P 132/2114
komudagur 18.5.2006

Alþingi
Allsherjarnefnd
Austurstræti 8-10
150 Reykjavík

Reykjavík, 15. maí 2006


Efni: Tillaga til þingsályktunar um láglauhópa og hlut þeirra í tekjuskiptingunni, 70. mál.

Vísað er til bréfs nefndarritara félagsmálanefndar Alþingis, dags. 5. apríl 2006 vegna beiðni til Velferðarsviðs Reykjavíkurborgar að veita umsögn um ofangreinda tillögu til þingsályktunar. Beðist er velvirðingar á þeirri seinkun sem er á svári til nefndarinnar en ástæður seinkunar eru miklar annir.

Tekjuþróun láglauhópa og hlutdeild þeirra í heildartekjum sundurliðað eftir kyni, aldri, búsetu, menntu og hjúskaparstöðu í samanburði við aðra launþega mun án efa veita Velferðarsviði Reykjavíkurborgar afar gagnlegar upplýsingar í þeirri starfsemi sem Velferðarsvið hefur með höndum. Velferðarsvið Reykjavíkurborgar hefur m.a. það hlutverk að tryggja það að íbúar Reykjavíkur geti séð fyrir sér og sínum skv. IV. og VI. kafla laga um félagsþjónustu sveitarfélaga nr. 40/1991. Starfsemi Velferðarsviðs Reykjavíkurborgar snýr, eðli málsins samkvæmt, að verulegu leyti um stöðu og hag láglauhafólks. Dæmi má nefna í 16. gr. reglna um fjárhagsaðstoð þar sem fjallar um aðstoð til tekjulágra foreldra vegna barna á þeirra framfæri, m.a. er heimilt að veita aðstoð til að greiða áfallandi greiðslur fyrir skólamáltíðir, daggæslu barns í heimahúsum, vegna þroskandi félags- og tólmstundastarfs. Fjöldmörg önnur dæmi væri hægt að nefna og frekari upplýsingar vegna starfsemi Velferðarsviðs Reykjavíkurborgar í þágu tekjulágra einstaklinga og fjölskyldna verða góðfúslega veittar ef eftir því verður leitað.

Velferðarsvið Reykjavíkurborgar tekur undir með flutningsmönnum þingsályktunar-tillögunnar um nauðsyn þess að rannsökuð séu störf og kjör láglauhópa og úttekt gerð á hlut þeirra í tekjuskiptingunni. Velferðarsvið Reykjavíkurborgar telur þó að nauðsynlegt sé að Samband íslenskra sveitarfélaga eigi fulltrúa í nefnd sérfróðra aðila sem um málið mun fjalla samkvæmt greinargerðinni með þingsályktuninni.

F.h. Velferðarsviðs Reykjavíkurborgar,


Guðmundur St. Ragnarsson, lögfr.

Afrit sent:
Stjórnsýslu- og starfsmannasvið Reykjavíkurborgar.

Tryggvagata 17
101 Reykjavík
Sími: 411 9000
Bréfsími: 411 9049
www.velferdarsvid.is

Reglur þessar voru samþykktar í félagsmálaráði Reykjavíkurborgar 3. desember 2003 og í borgarráði 9. desember 2003 í samræmi við 21. gr. laga um félagsþjónustu sveitarfélaga nr. 40/1991. Með breytingum samþykktum í félagsmálaráði 28. janúar 2004 og í borgarráði 10. febrúar 2004. Með breytingum samþykktum í félagsmálaráði 9. júní 2004 og í borgarráði 22. júní 2004. Með breytingum samþykktum í félagsmálaráði 17. desember 2004 og í borgarráði 30. desember 2004. Með breytingum samþykktum í velferðarráði (áður félagsmálaráð) 30. mars 2005 og í borgarráði 28. apríl 2005.

I. kafli

Almenn atriði

1. gr.

Inntak fjárhagsaðstoðar

Skylt er að veita fjárhagsaðstoð til framfærslu einstaklinga og fjölskyldna sem ekki geta séð sér og sínum farborða án aðstoðar, sbr. IV. og VI. kafla laga um félagsþjónustu sveitarfélaga, nr. 40/1991, með síðari breytingum, sbr. og III. kafla reglna þessara.

Heimilt er að veita einstaklingum og fjölskyldum aðstoð vegna sérstakra aðstæðna, m.a. vegna heimilisstofnunar, náms eða óvæntra áfalla, sbr. IV. kafla reglna þessara.

Gefa skal sérstakan gaum að fjárhagslegum og félagslegum aðstæðum barnafjölskyldna og meta sérstaklega þarfir barna vegna þátttöku þeirra í þroskavænlegu félagsstarfi, í samræmi við 30. gr. laga um félagsþjónustu sveitarfélaga, með síðari breytingum, sbr. og 16. og 17. gr. þessara reglna.

Jafnan skal kanna til þrautar rétt umsækjanda til annarra greiðslna, þar með talið frá almannatryggingum, atvinnuleysistryggingum, lífeyrissjóðum og sjúkrasjóðum stéttarfélaga, svo og skal kanna rétt til aðstoðar samkvæmt lögum um námsstyrki.

Fjárhagsaðstoð skal veitt í eðlilegum tengslum við önnur úrræði velferðarráðs, svo sem ráðgjöf og leiðbeiningar, í samræmi við V. kafla laga um félagsþjónustu sveitarfélaga.

2. gr.

Framfærsluskylda

Hverjum manni er skylt að framfæra sjálfan sig, maka sinn og börn yngri en 18 ára. Fólk sem er í skráðri sambúð í Þjóðskrá á sama rétt til fjárhagsaðstoðar og hjón. Sambúðin skal hafa verið skráð í Þjóðskrá í a.m.k. eitt ár áður en umsókn er lögð fram, sbr. 19. gr. laga um félagsþjónustu sveitarfélaga.

3. gr.

Lækkun grunnfjárhæðar

Hafi umsækjandi hafnað atvinnu eða sagt starfi sínu lausu án viðhlítandi skýringa eða hafnað starfsleitaráætlun, skal Félagsþjónustan greiða hálfu grunnupphæð til framfærslu eins og er tilgreind í III. kafla reglna þessara þann mánuð sem hann hafnar vinnu, svo og mánuðinn þar á eftir.

IV. kafli Heimildir vegna sérstakra aðstæðna

16. gr.

Aðstoð til foreldra vegna barna á þeirra framfæri

- A. Heimilt er að veita sérstaka fjárhagsaðstoð til foreldra, sem hafa haft tekjur undanfarna fjóra mánuði sem eru við eða lægri en grunnfjárhæðin. Um er að ræða aðstoð til að greiða áfallandi¹⁾ greiðslur fyrir daggæslu barns í heimahúsum, leikskóla, skólamáltíðir, frístundaheimili, sumardvöl og/eða þátttöku barns í þroskandi félags- og tómstundastarfi. Ætíð skal vera um tímabundna aðstoð að ræða sem sætir endurskoðun á sex mánaða fresti. Viðmiðunarmörk aðstoðar með hverju barni eru að hámarki 10.000 kr. á mánuði.
- B. Í þeim tilvikum þar sem um er að ræða sérstök meðferðar- og/eða stuðningssjónarmið eða fyrirbyggjandi starf á sviði barnaverndar, er heimilt að veita foreldrum styrk vegna áfallandi¹⁾ greiðslna sem nema heildarkostnaði eða hluta hans vegna daggæslu barns í heimahúsum, leikskóla, skólamáltíða, frístundaheimilis, sumardvalar, skólagjalda og/eða þátttöku barns í þroskandi félags- og tómstundastarfi. Ætíð skal liggja fyrir samkomulag um félagslega ráðgjöf. Ætíð skal vera um tímabundna samþykkt að ræða, sem sætir endurskoðun á þriggja mánaða fresti.
- C. Í þeim tilvikum þar sem um er að ræða sérstök meðferðar- og/eða stuðningssjónarmið eða fyrirbyggjandi starf á sviði barnaverndar, er heimilt að veita foreldrum fjárstyrk í tengslum við dvöl barns utan heimilis í sex mánuði eða skemur. Ávallt þarf að liggja fyrir samkomulag um félagslega ráðgjöf.
- D. Heimilt er að veita tekjulágum foreldrum fjárstyrk vegna náms 16 og 17 ára barna þeirra. Hér er átt við foreldra sem hafa haft tekjur á eða undir grunnfjárhæð undanfarna 12 mánuði eða lengur. Skal styrkurinn miða að því að greiða áætlaðan bókakostnað og skólagjöld.

Gildistími umsóknar er tveir mánuðir frá samþykkisdegi. ¹⁾

1) Breyting tók gildi 28. apríl 2005

17. gr.

Námskostnaður barna í skóla fjarri heimabyggð

Ef sérstök meðferðar- og/eða stuðningssjónarmið mæla með því, er heimilt að taka sérstakt tillit til námskostnaðar barna tekjulágra foreldra sem ekki geta sótt framhaldsskóla í heimabyggð. Við mat á fjárförf skal taka mið af aðstæðum fjölskyldu, m.a. fjárhag hennar og fjarlægð skóla frá heimili. Skilyrði fyrir aðstoð vegna náms barna fjarri heimabyggð er, að sótt hafi verið um námsstyrk samkvæmt lögum um námsstyrki nr. 79/2003 og fjárförf síðan metin að teknu tilliti til námsstyrksins.

Gildistími umsóknar er tveir mánuðir frá samþykkisdegi. ¹⁾

1) Breyting tók gildi 28. apríl 2005